

بتكلم جد !

كل ما شوفك.. قلبي يدق .. يدق بجد
كل ما عيني ... تقابل عينك.. تطرح ورد
كل ما إيدي ... بتلمس إيدك
تحلف وعد وييجي الرد
إني باحبك .. تملُكي قلبي... واملُك قلبك
وان الروح بتهون علشانك
مهما هاتبعد سما أحلامنا
مهما يغيب قُدَّامنا كلامنا
نرجع تاني .. نغزل تُوب الحب أمانِي
يرجع كَفَّكَ
برضو يطبطب .. فوق أحزاني
يرجع حِلْمَك .. ياخذ حلمي مابين دراعاته
ينسى أهاته
أه من قلبك
لَمَّا بيحضن شوقي ويفرح

لما بتخرج بسمة وشي...
وبيات رمشي ما بين أجفائك
كنت باشوفك بين أحلامي
هنا أيامي
قلت هاأغمض عيني.. وأفكر
واسأل نفسي: ممكن تقدر تنسى غرامي ؟
رد الحلم الصاحي بقلبي
: هوه قصادي إيداه ف إيدي
والعين بتشاهد تنهيدي
مهما ها تبعد...
نبضك جوه ف قلب وريدي
يا هنا أيامي.. ونور أحلامي
ياللي باشوفك هنا قدامي
مهما أغمض عيني وأفتح
شايف قلبك مرج غرامي

....